

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINA BUGOJNO
OPĆINSKI NAČELNIK

Broj: 01-11-2-00828-25

Datum: 01.04.2026. godine

Na osnovu člana 18. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06) i člana 112. Statuta Općine Bugojno („Službene novine Općine Bugojno“, broj: 7/07 i 2/08), načelnik Općine Bugojno **d o n o s i**

O D L U K U

O proglašenju Budžeta Općine Bugojno za 2026.godinu i Odluke o izvršavanju Budžeta Općine Bugojno za 2026.godinu

I

Proglašavam Budžet Općine Bugojno za 2026.godinu i Odluku o izvršavanju Budžeta Općine Bugojno za 2026.godinu

II

Stupanjem na snagu ove Odluke prestaje da važi Odluka o privremenom finansiranju Općine Bugojno za period januar-mart 2026.godine

III

Akta iz stava 1. Ove Odluke stupaju na snagu danom objave u „Službenim novinama Općine Bugojno“

O b r a z l o ž e n j e

Pravni osnov za donošenje ove Odluke sadržan je u članu 18. Zakona o principima lokalne samouprave u Federaciji Bosne i Hercegovine („ Službene novine Federacije Bosne i Hercegovine“, broj: 49/06). Naime, stavom 3. tog člana regulisano je da, ukoliko vijeće ne usvoji budžet u roku od 90 dana od početka budžetske godine, načelnik proglašava budžet. Stavom 4. Istog člana budžet stupa na snagu nakon objavljivanja u službenom glasilu jedinice lokalne samouprave.

Članom 112. Statuta Općine Bugojno („Službene novine Općine Bugojno“, broj: 7/07 i 2/08), regulisano je da, ukoliko se Budžet ne usvoji do 31.marta tekuće budžetske godine, općinski načelnik proglašava Budžet koji stupa na snagu danom objave u „Službenim novinama Općine Bugojno“.

Dana 31.03.2026.godine, na XXI redovnoj sjednici Općinskog vijeća Bugojno, općinski načelnik, prije usvajanja dnevnog reda, kao jedini ovlašteni predlagač Budžeta Općine Bugojno za 2026.godinu i Odluke o izvršavanju Budžeta Općine Bugojno za 2026.godinu, povukao je predmetne akte iz razloga što Općinsko vijeće Bugojno nije prihvatilo da o istima odlučuje po hitnoj proceduri, bez mogućnosti ulaganja amandmana. Općinsko vijeće Bugojno ne uvažava odlučujuću činjenicu da je ovlašteni predlagač predmetnih akata (općinski načelnik) povukao iste, tako da u nastavku sjednice usvaja Budžet Općine Bugojno za 2026.godinu i Odluku o izvršavanju Budžeta Općine Bugojno za 2026.godinu u dosta izmijenjenom obliku, zato što usvaja velik broj amandmana, a da pri tome nije utvrđen tekst

odnosno prijedlog dokumenta na koji su uloženi amandmani. Budžet Općine Bugojno za 2026.godinu i Odluka o izvršavanju Budžeta Općine Bugojno za 2026.godinu, koje je usvojilo Općinsko vijeće Bugojno, na prednje navedeni način, su nevažeći. Općinsko vijeće nije moglo usvojiti predmetne akte bez prijedloga ovlaštenog predlagača (općinskog načelnika). Takvo postupanje je u suprotnosti sa članom 15. Zakona o principima lokalne samouprave u Federaciji BiH. Oduzimanje nadležnosti općinskom načelniku od strane Općinskog vijeća Bugojno, kao jedinom ovlaštenom predlagaču Budžeta i Odluke o izvršavanju Budžeta, su apsolutno neprihvatljivi i nezakoniti. Općinski načelnik je u cilju međusobne saradnje i uvažavanja, pozvao u dva navrata (27.03. i 30.03.2026.godine) predstavnike svih političkih stranaka, koje učestvuju u radu Općinskog vijeća Bugojno, radi usaglašavanja stavova u vezi sa prijedlogom Budžeta Općine Bugojno za 2026.godinu i Odluke o izvršavanju Budžeta Općine Bugojno za 2026.godinu. Predstavници kluba vijećnika SDA, kluba vijećnika HDZ i nezavisni vijećnik, kao formirane većine, se nisu odazvali na sastanke kod općinskog načelnika. Ovakav pristup je u suprotnosti sa odredbom člana 16. Zakona o principima lokalne samouprave u Federaciji BiH (radi se o svjesnom i kontinuiranom onemogućavanje saradnje od strane većine u Općinskom vijeću Bugojno sa općinskim načelnikom). Do momenta održavanja sjednice Općinskog vijeća Bugojno (sjednica održana dana 31.03. 2026.godine) nisu podnijeti amandmani u pismenom obliku, niti su kao takvi dostavljeni općinskom načelniku na referisanje o njima, što je u suprotnosti sa članom 119. Poslovnika o radu Općinskog vijeća Bugojno. Radi se o najznačajnijem općem pravnom aktu kojeg u toku godine usvaja Općinsko vijeće Bugojno, tako da se prema tome treba odnositi jako ozbiljno. Osnovna namjera općinskog načelnika je da spriječi nastupanje štetnih posljedica po lokalnu zajednicu. Samovoljno usvajanje Budžeta Općine Bugojno za 2026.godinu i Odluke o izvršavanju Budžeta Općine Bugojno za 2026.godinu od strane većine u Općinskom vijeću Bugojno je nezakonito i neprihvatljivo.

Iz gore navedenih razloga općinski načelnik je donio Odluku kao u dispozitivu.



OPĆINSKI NAČELNIK

Edin Mašić
Edin Mašić, dipl.pravnik